

## RFA-2023-01 Pitanja i odgovori

**Q1.** Vezano za povlačenje sredstava iz Lokalno dijasporskog investicionog fonda od strane JLS, tj. da li je dostupan iznos samo koji se vezuje za pojedinačno učešće JLS (npr 50.000,00 KM JLS+ 50.000,00KM donator=100.000,00 KM), kod koje se konkretno pojavio investitor ili više njih po propozicijama Javnog poziva, ili je taj iznos uslovljen visinom ukupne investicije investitora?

- **A1.** Bepovratna sredstva za investicije koje se finansiraju dijelom iz Lokalno dijasporskog investicijskog fonda iznose do 50% ukupne investicije, dok investitor snosi minimalno preostalih 50% investicije (što znači da ukupna investicija može biti veća od iznosa fonda, u kom slučaju investitor/preduzeće snosi ostatak troškova). Sredstva koja je dala JLS će se isključivo koristiti za nove investicije na području iste.

**Q2.** Ukoliko u toku trajanja petogodišnjeg programa ponestane interesovanje investitora koji zadovoljavaju kriterije JP, da li JLS može, prije isteka istog, bez pravnih posledica povući svoje učešće iz gore pomenutom fondu koje nije utrošeno?

- **A2.** Trajanje partnerskog programa je 5 godina i ideja je da se sredstva pokušaju utrošiti kroz nove investicije kroz navedeni implementacijski period. Međutim, ostavit će se mogućnost da JLS povuče sredstva prije isteka roka bez pravnih posljedica ukoliko nema interesa za novim investicijama uz podršku dijaspore. Također, razmotrit će se mogućnost utroška fonda na druge aktivnosti koje uključuju dijasporu u lokalni socio-ekonomski razvoj.

**Q3.** Da li JLS treba već da saradjuje sa preduzećima iz dijaspore, i da ima ostvarene kontakte?

- **A3.** Ne, nije potrebno da JLS saradjuje sa preduzećima iz dijaspore u ovom trenutku, niti da ima ostvarene kontakte. Kroz ovaj poziv, JLS imaju priliku da uđu u partnerski odnos sa USAID Diaspora Invest projektom. Kroz navedeno partnerstvo, između ostalog, oformit će se i Lokalni dijasporski investicijski fond, koji ima za cilj da podrži nove investicije/preduzeća koja uključuju dijasporu (poseban poziv će biti otvoren tokom trajanja projekta, a nakon što se odaberu partnerske JLS).

**Q4.** Da li će preduzeća iz dijaspore imati posebne uslove prema kompanijama u BiH u koje investiraju (npr. učešće u kapitalu i slično)?

- **A4.** Radi se o preduzećima koja su registrovana u Bosni i Hercegovini, ali uključuju dijasporu. Kriteriji za preduzeća koja se mogu prijaviti na poseban poziv za bezpovratna sredstva (u sklopu Lokalnog dijasporskog investicijskog fonda) su:
  - Pravni status: Fond je namijenjen za mikro, mala i srednja preduzeća osnovana u BiH/ preduzeća registrovana kao doo.<sup>1</sup>

---

<sup>1</sup> MMSP definisana su brojem zaposlenih i ukupnim prometom ili ukupnom bilansom, prema čemu: (i) mikro preduzeća imaju manje od 10 zaposlenika i manje ili ukupno 2 miliona eura prometa ili ukupne bilanse, (ii) mala preduzeća imaju između 10 i 49 zaposlenika i manje ili ukupno 10 miliona eura prometa ili ukupne bilanse, i (iii) srednja preduzeća imaju između 50 i 249 zaposlenika i 50 miliona eura prometa ili ukupne bilanse.

- Starost preduzeća: Najviše tri godine (0-3 godine starosti) od datuma podnošenja aplikacije
- Veza sa dijasporom: Preduzeća moraju imati uspostavljenu dokazivu vezu sa članom dijaspore:
  - Najmanje 20% vlasničkog udjela člana dijaspore u preduzeću **i/ili**
  - Dokazivo partnerstvo s članom dijaspore<sup>2</sup>
- Sufinansiranje: Sufinansiranje od strane preduzeća je obavezno – preduzeće finansira najmanje 1:1 udio koji se traži od Fonda.

**Q5.** Kada je u pitanju Lokalni investicijski fond dijaspore, koji su vremenski rokovi i iznosi za Općinski dio sufinansiranja, obzirom da je planirani vremenski okvir za realizaciju svih aktivnosti od aprila 2023. godine do jula 2027. godine, odnosno da li se odmah nakon potpisivanja sporazuma uplaćuje cjelokupan iznos ili je to raspoređeno po određenim tranšama (npr. ukoliko se odlučimo za paket 2. iznos od 60.000 KM)?

- **A5.** Planirani vremenski okvir za realizaciju svih aktivnosti koje proizilaze iz partnerskog ugovora je od aprila 2023. godine do jula 2027. godine, uključujući i nove investicije koje bi se finansirale dijelom iz Lokalnog investicijskog fonda dijasproe. Iznos/finansijski paket za koji se JLS odluči, isplaćuje se u roku od dva (2) mjeseca od potpisivanja ugovora.

Ukoliko nije moguće isplatiti izabrani finansijski paket u cijelosti, ostavlja se mogućnost isplate u dvije (2) tranše, 30% u roku od dva (2) mjeseca od potpisivanja ugovora i 70% u roku od deset (10) mjeseci nakon potpisivanja ugovora<sup>3</sup>.

---

<sup>2</sup> Partnerstvo se mora potkrijepiti trgovinskim i/ili ugovornim odnosom, zajedničkim poduhvatom ili drugim pravnim odnosom kao prihvatljivim oblicima nefinansijskih doprinosa poslovnom prijedlogu.

<sup>3</sup> Npr. pod pretpostavkom da se ugovor potpiše u maju 2023., prva tranša od 30% bi se trebala uplatiti u julu 2023., a druga tranša od 70% bi se trebala uplatiti u martu 2024. godine.